

CICIKOANBÁDIEGU

BULICINA FASO

Ti baa dógú pò, li yaa dàni kúuma, ti baa paadí

GUFENEMA MASOAGINDO

BÀALÓ KOANBÁLA TÁÁNLI
JÁGA DOAGIDIMA

(PP-G N°023-2026)

Pengidiwende Silibeedi WEDIRAWOGO

Wagidugu, li binli 2026 cillele dana 09

Báaló Koanbála táánli den kàli Wagidugu
nani ban mááni ki tiédi màamà dana lele kúli,
li binli 2026, cilele dana 09, alaamuda daali
ki cili leerì 9 yogunu ki ban gbeni leerì 11 leni minitì 17,
Kapitenni Ibirayimi TARAWARE, yua n tié ti Diema Yudanciamo
leni a Koanbála Táánli Lìgìyúa n den gobidi laa táánli.

A Koanbála Táánli den noanli li daali máyùla nni
ki tàà a jága, ki púni i làabáali,
ki dini bi niba a bála li tuonli pò,
ki púni u sànú bi niba n gedi dietoama nni ti diema yèli pò.

I. A JÁGA

I.1. KU CICIKOANBADIEGU KANI

A Koanbála Táánli táá **másienkaama tili yenli** ki guani ki pandi niyendo báli yaa cagili n die Bàaló tuonsoankaana leni o tiadi dààma gobidima (ARIKOPI) nni.

Laa másienkaama tili tááma baa teni ban guani ki pandi ti jankoandilielo **Mamadu SERE** báli, o lanba li tuonli nni tie **39 652 W**, o tie li lubili tuona goandikoa, wan yaa baa ki tie yaa cagili n die Bàaló tuonsoankaana leni o tiadi dààma gobidima (ARIKOPI) yua, o bájuodikààli bina taa (03) po.

I.2. YAA KOANBADIEGU N DIE U LOAGU LENI I LIGI KUBIMA TUONA KANI.

A Koanbála Táánli kpaagi **ban bogini yaa báli máama** po ki baa waani Depiteenba Bàaló tuona soanma po ban den bogini yaa ligi li binli 2025 po n den cuoni màamà.

Bàaló ligikpagu nni, yaa ligi n den bogini li binli 2025 tuona po den soani ki tuugi leni yaa yepaama n ye li ɲandunli nni lani n tie yaa janjanma n ye i dogitiami siiga leni u kpendu bancanli ligi puginma. Bàá leni lankuli, ti diema nni, ti li baa ki suagi leni ti tinbuona goadiedima leni a guunli koanli. Yaala n pugidi tie ke nani li binli 2025 siagu n den ɲani bu kpaabu leni li yanwubili tuona soanma po yeni, li po den teni ke u loagu tuonbidi lani n tie bu kpaabu, li yanwubili leni u jankpaanu tuona den findi ki pugini ke li jeeguoli mo den tieni bi niba siiga.

Yaala n tie Bàaló ligikpagu nni li binli 2025 ligi boginma po, i ligikuake den tie **miliyaadi tuda taa n kobina n piiluoba n yendo leni miliyon bonbipiiga n tuda kobiga n piilele n tuda luoba, n kobinaa n piiga n kuumu muu leni falini bonbinii (K 3 461 010 176 415, 8) Seefa ligini**, ki sua ban den sugini ki

kuani yaa ligi Bàaló ligikpagu nni den tie **miliyaadi tuda taa n kobilie n piiyia n bonbiyia leni miliyon kobilele n piiyia n bonbitaa n tuda kobiga n piiyia n kobilie (K 3 299 793 190 200)** Seefa ligi nni ke laa ligi nni, **miliyaadi tuda taa n kobiga n piiga n yendo leni miliyon kobiya n piiyia n bonbinaa n piiga n tuda nii (K 3 111 994 018 000)** Seefa ligi nni den baa yáa tie ban mààni ki soani yaa tuona ligikuake, lani n tie kobiga yuli po 94,31% i ligikuake táanma nni, **miliyaadi kobiga n piini n bonbibile leni miliyon kobilele n piiyia n bonbiyia n tuda kobiga n piilele n tuda lie n konbilie (K 187 799 172 200)** Seefa ligi nni mo n yaa tie luda ligikuake, lani n tie kobiga yuli po 5,69% i ligikuake táanma nni.

Li binli 2025, piiga n cilie dana 31 daali, yaa ligi n den kua kuli táanma den fii **miliyaadi tuda naa n kobinii n piilele n bonbinaa leni miliyon kobiga n piiga n bonyia n piina n tuda luoba n piinii n kuumu lele leni falini bonbiluoba (K 4 874 119 046 087, 6)** Seefa ligi nni. Laa ligi táanma nni ban den mààni ki soani yaa tuona ligikuake den tie **miliyaadi tuda naa n kobilele n bonbitaa leni miliyon kobilie n bonbimuu n tuda kobiga n piiluoba n tuda taa n kobilele n piiga n kuumu yia (K 4 703 205 163 719)** Seefa ligi nni ke luda po yaa ligikuake mo den tie **miliyaadi kobiga n piile leni miliyon kobiya n piiga n bonbitaa n piini n tuda lie n kobitaa n piiluoba n kuumu nii leni falini bonbiluoba (K 170 913 082 368, 6)** Seefa ligi nni.

Yaala n yegi leni li binli 2025 ligiñake mo, Bàaló n den puni u sanu yaa ligi n ña den tie **miliyaadi tuda naa n piilele n bonbinaa leni miliyon kobiya n piitaa n bonbibile n piilie n tuda yia n kobiga n kuumu yia leni falini bonbi lie (K4 074 937 029 109, 2)** Seefa ligi nni, ke li panli ligi mo táanma den tie **miliyaadi tuda naa n piiyia n bonbimuu leni miliyon koninaa n bonbimuu n piilie n tudiyenli (K 4 095 405 021 000)** Seefa ligi nni. Ban den bili ke yaa ligi n baa ña, ban fidi ki ñani yi den tie kobiga yuli po 99,50% ki sua li binli 2024, i den tie kobiga yuli po 98,55%.

Yaa báli máama n waani Bàaló tuona tuonboginkaana soanma po, i ligi n den cuoni màamà li binli 2025 nni doagidi ke i ligipoadike den **tie miliyaadi kobitaa n piitaa n bonbitaa leni miliyon kobinii n bonbiyia n piilie n tuda luoba n kobitaa n piiyia n kuumu yia (K 333 809 026 399)** Seefa ligi nni, ki sua li binli 2024 mo i ligipoadike den **tie miliyaadi kobinii n piimu n bonbiluoba leni miliyon kobitaa n piiga n bonbiyia n piimu n tuda lie n kobimuu n piilie (K 856 319 052 520)** Seefa ligi nni, lani n bua ki yedi ke li binli 2025 po, yaa ligi n poadi wadi ki **tie miliyaadi kobimuu n piilie n bonbilie leni miliyon kobimuu n piiga n piilie n tuda luoba n kobiga n piilie n kuyenga (K 522 510 026 121)** Seefa ligi nni.

Li binli 2025 tuona soanma po, Bàaló ligikpagu nni, i ligi cuoni leni li nunga. Lani n doagidi ke li den ñoadi nani mi gobidima sanbila n bila màamà leni mi diema loagu tuona nni yaala n tie tiladi soanma po.

A Koanbála Táánli tòó ke ban bogini yaa báli máama yenì n pundi Depiteenba tuonsaondiegu kani.

I.3. YAA KOANBADIEGU N DIE TI DIEMA LENI DIETOAMA SIIGA DANTAADI KANI.

A Koanbála Táánli táá **tiwaankaana taa (03).**

Li tiwaankakpiali tuugi leni Niseeri diema n tieni yaa miabu ki bua ki soani o tondo Buliocina Faso nni.

A Koanbála Táánli tòó ban dini li báli o púa **Rakiatu IDE ISAKA**, wan tua Niseeri diema tondo Bulicina Faso nni, o yienu baa yaa tie Wagidigu.

Li tiwaankalieli tuugi leni Tayilandi diema n tieni yaa miabu ki bua ki soani o tondo Buliocina Faso nni.

A Koanbála Táánli tòó ban dini li báli o púa **Nipa NIRANNOTI**, wan tua Tayilandi diema tondo Bulicina Faso nni, o yienu baa yaa tie Dakari, Senegali diema nni.

Li tiwaankataali tuugi leni Namibi diema n tieni yaa miabu ki bua ki soani o tondo Buliocina Faso nni..

A Koanbála Táánli tòó ban dini li báli o púa **Ndiyakupi NGITUWAMATA** wan tua Namibi diema tondo Bulicina Faso nni, o yienu baa yaa tie Akara, Gana diema nni.

I.4. YAA KOANBADIEGU N DIE TI BUUDI TUONA KANI

A Koanbála Táánli táá **másienkaama tili yenli** ki baa bàà ban dini yaa niba li báli ban tua mi diema nni bi bujiaba tonda tuona goandima càgili yaaba.

Laa másienkaama tili tááma baa teni ban dini li báli **niba lie (02)**, ban tua mi diema nni bi bujiaba tonda tuona goandima càgili yaaba, mi cilima po bina taa (03) ke li ñoadi nani yaa másienkaama tili lanba n tie n°2024-0320/PRES-TRANS/PM/MJDHRI/MEFP/MDICAPME/MESRI, ban den táa yaama li binli 2024, citaa dana 28 ki bàà ban dini yaa niba li báli ke bi tua mi diema nni bi bujiaba tonda tuona goandima càgili yaaba.

I.5. YAA KOANBADIEGU N DIIDI KUURAN TUONA LENI KI TINGA TUGU NNI PIAMA TUONA KANI

A Koanbála Táánli táá **tiwaankayenli** ke li tuugi leni ban tieni yaa miabu ki bua wula gbima tuonsoanjaacianli, SOPAMIBI BUBULU SA, n baa wula gbima tili.

Wula gbima tuonsoanjaacianli, SOPAMIBI BUBULU SA, ye Yako kominno nne, Pasore provenso nni, Yaadiga desiyon nni.

Laa tuonsoanjaali n pia yaa wula bua ki pundi tonni bonbi 10 772 890, ke wula yeni kpiagu bua ki pundi garanmi 0,64 tonni kuli nni. Bi ya ñani wula tama ki ñuudi mo ban baa táa yaa wula laa tama nni baa yaa tie kobiga yuli po 88%. Laa tuonsoanjaali po ban guu yaa wula tie tonni bonbi **7,27** ne leni li juodima yaala baa fidi ki pundi bina 15.

Laa wula gbima tuonsoanjaali nni, Bàaló n baa kuani yaa ligi baa yaa tie **miliyaadi piita n bonbinaa leni miliyon kobimuu n bonbipiiga n kobiga n tuda lie n kobilele n piiluoba n kuumu muu leni falini bonbinaa (K34 510 102 765, 4) Seefa ligi nni** ke wula ligicàli mi findima tuona po mo baa ñani **miliyaadi tuda naa leni miliyon kobinaa n piiga n bonbinaa n piita n tuda luoba n kobilele n piiluoba n kuumu muu leni falini bonbinaa (4 418 036 717, 8) Seefa ligi nni**. Ban bogini yaa ligi laa wula gbima tuonsoanjaali yaa di bua ñanbima po leni li luonma tuona po tie **miliyon kobiya n piiluoba n bonbimuu n tuda kobiga n piiga n tuda taa n kobiya n piyyia n kuumu taa leni falini bonbilie 965 113 993, 2) Seefa ligi nni**.

Laa wula gbima tuonsoanjaali yaa cili li tuona, li baa teni niba 1 272 n bàà a tuona lan go todi Gufenema suginma ti yudiedima po wula tuonsoanjaana nni n tua moamoani ke yaa ligi n koa Bàaló likpagu nni moko pugidi.

A Koanbála Táánli tùó ki baa teni wula gbima tili wula gbima tuonsoanjaacianli SOPAMIBI BUBULU SA.

II. I LÀABÁALITENKE

II. Yaa koanbali n diidi bu kpaabu, mi ñima, li yanwubili leni mi ñima nni bonpiakàala tuona puni a Koanbála Táanli yaa làabáalu n tuugi leni Bulicina Faso n den kali yaa bangima ke li den tie ban bangi bi bangikaaba yaa bangima n tie ki da tiendi gagidima bi jaba leni bi puoba siiga, ki go kuani laa bangima mi diema tuonboginkaana nni. Mi den tieni li binli 2026 ciluoba dana 17 Bonni po, Alemanñi diema nni.

Li ñandunli nni yaa cagili n moa ke diema kuli tuonbogikaana n siegi ki dagini leni u yogunu lebidima (NAPI Gulobali Netiworiki) n den bogini laa bangima. Ban lingi yaala laa bangima nni tie ki bogini a banda yaaba n baa todi mi siegidaginma n yaa ye bi niba siiga, ke paadima bà kuli kan yaa ye bi siiga, ki yaa go pia mi yanfaamima yaa nicaga n ye leni ku tadingu nni ke li tuugi leni u yogunu lebidima.

A tuona n den jagi yaala yaa po tie ki da tieni gagidima joa leni pua siiga, ki da tieni gagidima bi niba leni bi yaba siiga, bi niba siiga yuakuli n ye leni yaa tadingu ke kúú taa leni o lieba yaagu kpaagibandima sanbila, bi niba kuli kuanma a tuona leni li yankpaagili nni sanbila, ki da tiendi gagidima bi jaba leni bi puoba siiga kuanma mi diema tuonboginkaana nni, mi siegidanginma tuona ñoadidiidima leni a biigima.

Laa bangima yogunu, Bulicina Faso den boagidi leni yaa dogi n pugidi wan pia yaa banma yaala n tie mi diema tuonboginkaana siegidanginma bilima leni a soanma, leni ban ye yaa tuona nni moala po ke a tuugi leni ki da tieni gagidima joa leni pua siiga yantiali kuanma u yogunu lebidima tuona nni.

III. BAN DINI YAABA A BÁLA

III.1. BAN DINI YAABA A BALA YENDO YENDO TUONA PO

A. YAA KOANBADIEGU N DIIDI BU KPAABU, MI ÑIMA, LI YANWUBILI LENI MI ÑIMA NNI BONPIAKAALA TUONA KANI

- Ti jakoandilielo Bukaré **SABO**, o lanba li tuonli nni tie **315 208 K**, o tie a dojaana tuona bando, bi dini o li bàli ke o tua mi diema kpenciami càgili Yudaano.

B. YAA KOANBADIEGU N DIE U LOAGU LENI I LIGI KUBIMA TUONA KANI

- Ti jakoandilielo Amadu Sawudu **SONDE**, o lanba li tuonli nni tie **35 929 D**, o tie Bàaló ligi tuonsoandiedi tuona gobidikoa, bi dini o li bàli ke o tua Bulicina nni dajo leni télé tuonsoadiegu tiakubilo;
- Ti jakoandilielo Dawuda **WEDIRAWOGO**, o lanba li tuonli nni tie **245 219 D**, o tie Bàaló ligidiedi goandikoa, bi dini o li bàli ke o tua Bàaló ligidiedi tuonbanma goandikoa;
- Ti jakoandilielo Abeli **KABORE**, o lanba li tuonli nni tie **235 915 B**, o tie Bàaló ligidiedi goandikoa, bi dini o li bàli ke o tua Bàaló ligidiedi tuonbanma goandikoa;
- Ti jakoandilielo Mumuni **GEBIRE**, o lanba li tuonli nni tie **257 116 G**, o tie Bàaló ligidiedi goandikoa, bi dini o li bàli ke o tua Bàaló ligidiedi tuonbanma goandikoa;
- Ti jakoandilielo Kalisiti **DABIRA**, o lanba li tuonli nni tie **46 222 W**, o tie Bàaló ligidiedi goandikoa, bi dini o li bàli ke o tua Bàaló ligidiedi tuonbanma goandikoa;
- Ti jakoandilielo Asétu **BARI/WEDIRAWOGO**, o lanba li tuonli nni tie **52 177 E**, o tie Bàaló ligidiedi goandikoa, bi dini o li bàli ke o tua e Bàaló ligidiedi tuonbanma goandikoa;

- Ti jakoandilielo M'pa Sanon **SANOGO**, o lanba li tuonli nni tie **216 179 S**, o tie Bàaló ligidiedi goandikoa, bi dini o li bàli ke o tua Bàaló ligidiedi tuonbanma goandikoa;
- Ti jakoandilielo Abidura Ahabu **WOBIGO**, o lanba li tuonli nni tie **104 875 A**, o tie Bàaló ligidiedi goandikoa, bi dini o li bàli ke o tua Bàaló ligidiedi tuonbanma goandikoa;
- Ti jakoandilielo Sowindé Emanuweli **TUGUMA**, o lanba li tuonli nni tie **104 313 U**, o tie Bàaló ligidiedi goandikoa, bi dini o li bàli ke o tua Bàaló ligidiedi tuonbanma goandikoa;
- Ti jakoandilielo Gawusu **TU**, o lanba li tuonli nni tie **208 039 C**, o tie Bàaló ligidiedi goandikoa, bi dini o li bàli ke o tua Bàaló ligidiedi tuonbanma goandikoa;
- Ti jakoandilielo Puori-Yero Tieri-Fabirisi **PODA**, o lanba li tuonli nni tie **119 293 F**, o tie Bàaló ligidiedi goandikoa, 2^e classe, 4^e échelon, bi dini o li bàli ke o tua Bàaló ligidiedi tuonbanma goandikoa;
- Ti jakoandilielo Bapuguni Silivesitiri **TANKPANI**, o lanba li tuonli nni tie **58 787 L**, o tie Bàaló ligidiedi goandikoa, bi dini o li bàli ke o tua Bàaló ligidiedi tuonbanma goandikoa;
- Ti jakoandilielo Abiduli Basiru **WEDIRAWOGO**, o lanba li tuonli nni tie **208 029 N**, o tie Bàaló ligidiedi goandikoa, bi dini o li bàli ke o tua Bàaló ligidiedi tuonbanma goandikoa;
- Ti jakoandilielo Poli **IDO**, o lanba li tuonli nni tie **235 914 T**, o tie Bàaló ligidiedi goandikoa, bi dini o li bàli ke o tua ti tuonsoandiedi goandima cagili Yudaano Bàalo ligiedi banda tuonsoandiegu kani;
- Ti jakoandilielo Abidulayi Benni Isikandara **SANKARA**, o lanba li tuonli nni tie **225 024 P**, o tie Bàaló ligidiedi goandikoa, bi dini o li bàli ke o tua a tuona goandima cagili Yudaano Bàalo ligiedi banda tuonsoandiegu nni ;

- Ti jakoandilielo Salifu **KOANDA**, o lanba li tuonli nni tie 119 283 V, o tie Bàaló ligidiedi goandikoa, bi dini o li bàli ke o tua A tuona bi i ligi fiiridiidima cagili Yudaano Bàalo ligiedi banda tuonsoandiegu kani.

C. MI DIEMA NIBA TUONSOANBA KOANBADIEGU KANI

- Ti jakoandilielo Lidoviki Isimayeli Tinga **SAKISONGO**, o lanba li tuonli nni tie **118 984 T**, bi niba gobidima tuona tundikoa, bi dini o li bàli ke o tua Bàalo tuonsoanba gandima titoama tuonsondiegu Yudaano.

D. YAA KOANBADIEGU N DIE TI BUUDI TUONA KANI

Bi dini li bàli yaa niba yaa yela nua ne ke bi kua mi diema nni, bi bujiaba tonda tuona goandima cagili nni bi cici báli pò bina táa (03)

Bi niba buudi guari buuma Bubuudicaga kani:

- Ti jakoandilielo Arisitidi **KOHIO**, o lanba li tuonli nni tie **130 368 R**, o tie Bujialo, ki tua ti jakoandilielo Bulema SANGA lèbidu.

Bàaló saliwuudo bujiacaga yaa n ye Bi niba buudi guari buuma Bubuudicaga kani:

- Ti jakoandilielo Bésoakèyèrè **SONDA**, o lanba li tuonli nni tie **130 508 T**, o tie Bujialo, o tua ti jakoandilielo Damien Emé MILOGO lèbidu.

E. LI LAAFIALI KOANBADIEGU KANI

- Ti jakoandilielo Wendiyami Arisitidi **GANSONRE**, o lanba li tuonli nni tie **324 801 T**, o tie Bàaló ligi tuonsoandiedi tuona gobidikoa, bi dini o li bàli ke o tua Banfora logitodieciangu ligi leni li tuona gobidima Yudaano ;
- Ti jakoandilielo Relibanba Giyomi J.M.S **KABIRE**, o lanba li tuonli nni tie **112 415 S**, o tie Bàaló ligi tuonsoandiedi tuona gobidikoa, bi dini o li

bàli ke o tua mi diema nni mi soama puginma tuonsoandieciangu ligi leni ku tuona gobidima Yudaano.

F. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

- Ti jakoandilielo Miwèsi Giwomi **DOFINI**, o lanba li tuonli nni tie **260 348 C**, o tie u loagu tuona tundikoa, bi dini o li bàli ke o tua tuonsoandiedi tuona goandikoa.

G. U BAADOGU MAAMA TUONA KOANBADIEGU KANI

- Ti jakoandilielo Lore Filavi **BUDA/SOETIÑANDE**, o lanba li tuonli nni tie **231 815 X**, o tie li bonmaakaala bandiciamo, bi dini o li bàli ke o tua i sani tuona yankpaagima, i ŋamu tuona leni ti ñinjoagindi ŋanbima tuona Yudaano ;
- Ti jakoandilielo Sidinoma Kirisitelli **KUBURA/ILIBUDO**, o lanba li tuonli nni tie **368 345 M**, o tie li bonmaakaala tuona bando, bi dini o li bàli ke o tua i dociami nni, a tuona kpaagbilima leni a kpaagibandima Yudaano ;
- Ti jakoandilielo Mahamadi **KAFANDO**, o lanba li tuonli nni tie **110 001 V**, o tie li bonmaakaala bandiciamo, bi dini o li bàli ke o tua a tuona teginŋanma leni a bilima a tuona teginŋanma leni a banma lingima tuonsoandieciangu kani ;
- Ti jakoandilielo Bensamen **KANBU**, o lanba li tuonli nni tie **110 000 C**, o tie li bonmaakaala bandiciamo, bi dini o li bàli ke o tua i dociami nni, i sani tuona Yudaano;
- Ti jakoandilielo Halidu **BANGAGNE**, o lanba li tuonli nni tie **110 025 F**, o tie li bonmaakaala bandiciamo, bi dini o li bàli ke o tua a koajaana nni sani tuona Yudaano li sancenli bonmaakaala tuonsoandieciangu kani ;
- Ti jakoandilielo Saga **SIA**, o lanba li tuonli nni tie **239 802 S**, o tie li bonmaakaala nannana tienma bando, bi dini o li bàli ke o tua jiliji, o

biakaabo sani leni mi ñima nni sani bonmaakaala kubima Yudanciamo, li bonmaakaala leni yaa piama n tie bonmaakaala kubiñanli tuonsoandieciangu kani ;

- Ti jakoandilielo Brahiman **NEBIE**, o lanba li tuonli nni tie **92 927 B**, o tie li bonmaakaala bandiciamo, bi dini o li bàli ke o tua a diemaakaana tuona kpaagibandima Yudaano;
- Ti jakoandilielo Yaya **DAWO**, o lanba li tuonli nni tie **229 706 R**, o tie mi tinfanma ñanbima tuona bando, bi dini o li bàli ke o tua li diemaali leni mu tinmu fanma biigima tuona Yudaano;
- Ti jakoandilielo Laaliba **WEDIIRAWOGO**, o lanba li tuonli nni tie **237 135 Z**, o tie mi tinfanma ñanbima tuona bando, bi dini o li bàli ke o tua yaa tuonjaali n die mu tinmu maama i dociami nni yudaano;
- Ti jakoandilielo Dawuda **KINDA**, o lanba li tuonli nni tie **331 035 K**, o tie li bonmaakaala nannana tienma bando, bi dini o li bàli ke o tua i dociami nni yema leni ti ñinjoagindi ñanbima tuona Yudaano ;
- Ti jakoandilielo Isufu **KONATE**, o lanba li tuonli nni tie **49 093 P**, o tie Bàaló ligidiedi goandikoa, bi dini o li bàli ke o tua yaa tuonjaali n diidi a dieduankaana ñamu Yudaano;
- Ti jakoandilielo Isufu **SUNGIRANA**, lipokpiali, o lanba li tuonli nni tie **101 781 N**, o tie li bonmaakaala bandiciamo, bi dini o li bàli ke o tua i sani kubiñanli Yudaano;
- Ti jakoandilielo Sanusa **BELEMI**, o lanba li tuonli nni tie **101 786 S**, o tie li bonmaakaala bandiciamo, bi dini o li bàli ke o tua yaa tuonjaali n faami li bonmaakaala leni yaa piama n tie bonmaakaala kubiñanli Yudaano;
- Ti jakoandilielo Sié **KANBU**, o lanba li tuonli nni tie **92 928 Y**, o tie li bonmaakaala nannana tienma bando, bi dini o li bàli ke o tua jiliji, o biakaabo leni mi ñima nni sani tuona kpaagibandima Yudaano;
- Ti jakoandilielo Umalu **DAWO**, o lanba li tuonli nni tie **110 007 U**, o tie li bonmaakaala bandiciamo, bi dini o li bàli ke o tua mi ñiña nni sani, mi

biakafanma, leni jiliji sani bonmaakaala kubiganli Yudaano li sancenli bonmaakaala tuonsoandieciangu kani ;

- Ti jakoandilielo Mongièlè Narisisi **DABIRE**, o lanba li tuonli nni tie **368 348 K**, o tie li bonmaakaala tuona bando, bi dini o li bàli ke o tua a diegbenga leni li bonmaakaala tuona Yudaano;
- Ti jakoandilielo Mahamadi **BADINI**, o lanba li tuonli nni tie **92 677 E**, o tie li bonmaakaala bandiciamo, bi dini o li bàli ke o tua i dociami nni yaa tuonjaali n die i sani tuona Yudaano.

III.2. BAN DINI YAABA A BÁLA A TUONSOANJÀANA YÈLI PÒ

A Koanbála Táanli den báa ban dini yaaba a bála a tuonsoanjaana tuona boginma pò:

- bi niba kuli loagu tuonli yarima tuonsoanjaali (APEKI) kani, Bulicina Faso Yudanciamo badidiegu yeli nni;
- mi ñinboagidikaama tuonjaali (ONEYA) kani, yaa koanbadiegu n diidi bu kpaabu, mi ñima, li yanwubili leni mi ñima nni bonpiakàala tuona yeli nni;
- a fuaguura (gadeforenba) bangima cogidiegu kani, li guunli koanbadiegu yeli nni;
- li ñandunli cogiciami cogidiecianli kani, yaa koanbadiegu n die ti diema leni dietoama siiga ñantaadi yeli nni;
- Fositen Sie SIBI Iniverisite kani, yaa koanbadiegu n die a cogibigbenga cógú leni mi bancanma linginma tuona yeli nni.

A Koanbála Táanli go den dini niyendo li báli ke o tua a fuaguura cogidiegu tuona boginma càgili Liigiyua.

A. BULICINA FASO YUDANCIAMO BADIDIEGU KANI

A Koanbála Táanli táa masienkàama tili yènlì ki gua ki pandi yaa niba yaa yèla n nua ne bála, bi bajuodikaali po bina taa (03) ; bi tie bi niba kuli loagu tuonli yarima (gbanmanu puginma) tuonsoanjaali (APEKI) tuona boginma Gobidikaaba.

- Ti jakoandilielo Silivesitiri **WEDIRAWOGO** ;
- Ti jakoandilielo Bala **KONE**.

B. YAA KOANBADIEGU N DIE BU KPAABU, MI ÑIMA, LI YANWUBILI LENI MI ÑIMA NNI BONPIAKAALA TUONA KANI

A Koanbála Táanli táa **masienkàama tiyènlì** ki dini li bàli Ti jakoandilielo Serisi Eriki **KONPAWORE**, o lanba li tuonli nni tie **119 833 T**, o tie u loagu tuona tundikoa, o túà mi ñinboagidikaama tuonjaali (ONEYA) tuona boginma gobidikaaba cagili yua, Bàalo pò, yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona yèli nni, o cicibáli pò bina táa (03).

C. LI GUUNLI KOANBADIEGU KANI

A Koanbála Táanli táa **masienkàama tila lie (02)**.

Mi masienkàama tikpiali dini li báli Ti jakoandilielo Mamadu **BATIENE**, o lanba li tuonli nni tie **59 058 F**, o tie a fuaguura (gadeforenba) tuona Goandikoa, o túà mi diema fuaguura (gadeforenba) bangima cogidiegu (ENEFI) tuona boginma Gobidikaaba cagili yua, Bàalo pò, li guunli koanbadiegu yeli nni, o cicibáli pò, bina táa (03).

Mi masienkàama tilieli dini li báli Mamadu **BATIENE**, o lanba li tuonli nni tie **59 058 F**, o tie a fuaguura (gadeforenba) tuona Goandikoa, o túà mi diema fuaguura (gadeforenba) bangima cogidiegu (ENEFI) tuona boginma Gobidikaaba càgili Yudaano, o cicibáli pò, bina taa (03).

D. YAA KOANBADIEGU N DIE TI DIEMA LENI DIETOAMA SIIGA NANTAADI KANI

A Koanbála Táanli taa **masienkàama tila lie (02)**.

Mi masienkàama tikpiali dini li báli Ti jakoandilielo Abidulayi **DIALIGA**, o lanba li tuonli nni tie **229 826 W**, o tie cogibiga ki baa ña diema leni mi yama tuginma tuona Tundikoa, o túà li ñandunli cogiciami Cogidiecianli tuona boginma Gobidikaaba càgili yua, o cogibiliela yeli nni, ki ban pundi hali wan tugi a cogibila yuli yaa yogunu gbenma.

Mi masienkàama tilieli guani ki pandi Ti jakoandilielo Sanmison Arisuma III **WEDIRAWOGO** báli, o lanba li tuonli nni tie **118 846 N**, o tie diema leni mi yama tuginma tuona Tundikoa, ke waa yaa tie li ñandunli cogiciami Cogidiecianli tuona boginma Gobidikaaba càgili yua, a cogibila canbaanba yeli nni, li bajuodikaali pò, bina taa (03).

E. YAA KOANBADIEGU N DIE A COGIBIGBENGA COGU LENI MI BANCANMA LINGINMA TUONA KANI

A Koanbála Táanli taa **masienkàama tiyèni** ki dínì yaa niba yaa yèla n ñua ne li báli ke bi túà Fositen Sie SIBI Iniverisite tuona boginma Gobidikaaba Cagili yaaba, bi o cicibáli pò bina taa (03).

YAABA N TUA A TUONA BOGINMA GOBIDIKAABA BAALO YELI PO

Li laafiali koanbadiegu kani :

- Ti jakoandilielo Nuaga Selesiten **YAMEWOGO**, o lanba li tuonli nni tie **82 413 B**, o tie bi niba laafialo lotogbeeli.

Yaa koanbadiegu n die i làabáali, ku maasuagu, i nii tagima leni yanluadi goada tuona kani :

- Ti jakoandilielo Etienni **NANA**, o lanba li tuonli nni tie **216 783 H**, o tie mi bonñuadima tuonsoandiedi gobidikoa.

**YAABA N TUA A TUONA BOGINMA GOBIDIKAABA KU LIGIDIEGU
YAAGU N TODI U COGU LENI MI BANCANMA LINGIMA (BANGIRE
BAHOBO) YELI PO**

- Ti jakoandilielo Sulemaani **WEDIRAWOGO**, o lanba li tuonli nni tie **48 490 Y**, o tie a bonwaala cogicanbaanba tundikoa.



www.sig.gov.bf

Gufenema Másoagindo



Pengidiwende Silibeedi WEDIRAWOGO

O bàà Bàaló jaandi leni Tanjoa mààlima